

CEREMONIES ET SOLENNITEZ O B S E R V E E S E N

l'Eglise de Nostre Dame de Paris,
au mariage du Roy de la Grand'
Bretagne, & de Madame sœur du
Roy.

Accompli le 11. de May 1625.



A L Y O N,

Par N I C O L A S I V L L I E R O N
Imprimeur ordinaire du Roy.

M. D C. X X V.

Case F CEREMONIES

39 326 RI SOLLENNITES
O B E R V E S

1625cc Regle de Notre Dame de l'An
au mariage du Roy de la Grand
Bretagne & de Malabar l'an du
Roy


Imprimez à Paris chez M. de la Haye



W. A. T. O. Y.

Par N. de la Haye
Imprimeur ordinaire du Roy

B. D. C. K. K.



CEREMONIES ET
*solennitez observees en l'Eglise de
 Nostre Dame de Paris, au ma-
 riage du Roy de la Grãd' Breta-
 gne, & de Madame Sœur du Roy.*

EN fin le Ciel propice à
 la France, a voulu ce
 qu'elle respire il y a si
 long temps. Les nuages qui sem-
 bloient vouloir obscurcir son ef-
 clat, & qui auoyent comme con-
 spiré de faire mourir le fruiet en sa
 fleur, sont maintenant dissipez, &
 ceste mauuaise influëce est anean-
 tie à ce coup. Dieu a permis par
 vne volonté secrette, que les deux
 plus puissantes Couronnes de la
 Chrestienté soyent vnies ensem-

ble par le plus celebre mariage qui
se' soit iamais veu dedans l'Uni-
uers. C'est donc auiourd'huy que
tant de felicité, de gloire & de bon-
heur ne promettent pas moins à
nostre grãd Roy inuincible LOVYS
LE IUSTE, que l'Empire de tout
le monde. Quel contentement a
la Frãce, & quel profit a la Grand'
Bretagne, de se voir vnies si inse-
parablement par vn nœud plus
indissoluble que le Gordien, & par
vne amitié mieux cimentée que
les murs Babyloniens fondez par
Semiramis? Il n'y a point d'enne-
mis assez forts pour esbranler ia-
mais deux Royaumes si florissans,
qui puissent leur grandeur du Ciel,
& borner leur puissance de toute
la terre. Resioüissons-nous donc,
bons François, à ceste heure que
les

5

les aduersaires de l'Estat tremblans de peur & de crainte, ont leur ame affligée d'une si belle alliance. Mais pour en laisser la memoire eternelle, & la donner en depost à la posterité, ie veux descrire icy le plus succinctement qu'il me sera possible les magnificences, les triomphes, & l'ordre veritable de cet heureux mariage.

Le Ieudy huictiesme iour de May, le Roy paroissant dedans sa chambre comme vn beau Soleil qui luit au dessus de tous les autres Astres, ayant avec luy la Royne seconde lumiere, Monsieur son frere unique, Messieurs les Ducs de Nemours & d'Elbœuf, Mareschaux de Vitry & de Bassompierre, & autres Seigneurs de la Cour, enuoya querir Madame, qui y fut as-

fistée par la Royne sa mere, Mesdames les Princesses de Condé & de Conty, Mesdames les Duchesses de Guyse, de Cheureuse, & d'Elboeuf, & plusieurs autres grandes Dames. Sa robe estoit de toile d'or & d'argent toute parsemée de fleurs de Lys d'or, & enrichie de plusieurs diamants, & autres pierres precieuses. La queue de ladite robe estoit portée par Mademoiselle de Bourbon.

Cōme elle fut entrée dedans la chambre du Roy avec vne Majesté digne de sa naissance, Messieurs les Comte de Carlile, & Milor Holand, Ambassadeurs pour le Roy de la Grand' Bretagne, y entrèrent aussi tost, vestus avec le plus bel aduantage qui se puisse dire, donnant au Roy le contract

de

de mariage, qui fut leu tout haut par Monseigneur le Chancelier. Apres que sa Majesté eut agréé les conuenances, les Ambassadeurs se retirèrent en la chambre de Monseigneur le Duc de Cheureuse, au dessus de celle du Roy, & luy ayant fait entendre les accords, il fut trouuer aussi tost sa Majesté, accompagné desdits Sieurs Ambassadeurs & plusieurs autres Seigneurs de marque, estant vestu d'un habit noir à bandes toutes garnies de diamans, & les fers d'aiguillettes en estoient enrichis.

Arriué deuant sa Majesté il luy presenta sa procuration & le pouuoir que luy auoit donné le Roy de la Grand' Bretagne, qui fut inserée au bout dudit contract de mariage, que le Roy signa, Madame,

me, les Roynes, Mon seigneur le Duc de Cheureuse, & Messieurs les Ambassadeurs. Cela fait & arresté, Monsieur le Cardinal de la Roche-foucaut fit les fiançailles à la maniere accoustumee.

Comme vne telle vnion ne se pouuoit pas paracheuer sans de grandes pompes, & d'infinies reioüissances.

L'Eglise de Nostre-Dame fut choisie pour les ceremonies de l'accomplissement du mariage, & fut toute tenduë de riches tapisseries tissües de soye, d'or & d'argët.

L'on esleua enuiron de huit pieds de terre vne belle & longue Gallerie, qui prenoit son cōmencement dés l'entrée de la maison Archiepiscopale, & se venoit rendre à l'entrée du Chœur de ladite Eglise.

Eglise. Elle estoit soustenuë de plusieurs pilliers, couuerte par le haut de satin violet, tout brodé de fleurs de Lys d'or ; & par le bas , d'une belle toile de lin cirée , par dessus laquelle passerent toutes les ceremonies du mariage , comme il s'ensuit.

Premierement les cent Suisses des Gardes du corps du Roy vestus des liurées de sa Majesté , le tambour battant , & l'enseigne deployée.

Douze haut-bois vestus de semblables liurées, qui rauissoient par leurs sons agreables les ames par les oreilles.

Huict tambours couverts de pareilles parures battoyent si furieusement , que les courages les moins hardis s'animoyēt au bruit

d'un tel tintamarre.

Dix trompettes faisoient sauter de ioye & d'alegresse les cœurs dedans les corps.

Monsieur de Rodes Grand Maistre des Ceremonies marchoit apres tout cela, vestu à l'aduantage, & fort bien accompagné.

Apres luy Messieurs les Cheualiers de l'Ordre du S. Esprit tous brillans de pierreries.

Sept Herauts d'armes alloient en suite avec leurs cottes de velours rouge cramoisy fleurdelisées d'or.

Messieurs de Vitry & de Bassompierre Mareschaux de France.

Monsieur le Duc d'Elboeuf.

Monseigneur le Duc de Chevreuse, vestu d'un habit de drap noir tout couppé & doublé de toi-

le d'or,

le d'or, avec vne tocque aussi de velours noir, sur sa teste vne enseigne qui esbloüissoit la veuë par son esclat, vne escrape toute couuerte de roses de diamants, vn capot tout brodé d'or & semé de pierreries.

Messieurs les deux Ambassadeurs extraordinaires, tous deux couuerts de toile d'argent battu avec la tocque.

Le Roy avec vn habit tout en broderie d'or & d'argent, tenant à sa main droite Madame, qui auoit vne Couronne sur la teste, & sa robe toute parsemée de fleurs de Lys d'or.

Monfieur de l'autre costé qui la tenoit de sa main gauche, aussi superbement vestu.

La Royné Mere.

La Royne couuerte d'une robe
toute brodee d'or, d'argent & de
pierreries.

Mesdames les Princesses de
Condé & de Conty, portans la
longue queue de ladite robe.

Mademoiselle de Mont-pen-
fier.

Madame la Comtesse de Soif-
sons.

Madame de Guyse.

Madame de Cheureuse.

Madame d'Elbœuf.

Et tous les autres Seigneurs &
Dames de la Cour que ie ne peux
specifier par le menu, tant le nom-
bre estoit grand.

Toute ceste Royale & genereu-
se troupe s'arresta à l'entrée du
grand portail de ladite Eglise, au
deuant duquel estoit vn grand
parterre

par terre destiné pour faire le mariage, & où estoit esleué au dessus vn grand poëlle d'une valeur inestimable, sous lequel le Roy & Monsieur son frere quitterēt Madame, la mirent entre les mains de Mōseigneur le Duc de Cheureuse, & alors Monsieur le Cardinal de la Roche-foucault espousa Madame, avec les ceremonies ordinaires de l'Eglise.

De là tout l'ordre cy-dessus s'en alla dedans le Chœur par vne longue Gallerie, qui estoit allignée au milieu de la Nef de l'Eglise toute couverte de tapisserie, la plus belle qui se peust iamais voir.

Au milieu dudit Chœur estoient desia placez d'un costé en des sieges eminents, Messieurs les Presidents ayans leur mortier d'or

sur la teste, vestus de leurs robes
d'escarlate doublées d'hermines,
& Messieurs les Conseillers avec
de semblables robes.

De l'autre costé paroissoit à
part Monsieur le Preuost des Mar-
chands, couuert d'une longue ro-
be de velours rouge cramoisy &
violet, assisté des Escheuins du
corps de ville.

Dans le Chœur de ladicte Eglise
estoit esleué de trois marches vn
par-terre, au dessus duquel estoit
vn autre grand poësse, où le Roy,
les Roynes, & Monsieur furent
placez & cōduits par lesdits Ducs
de Cheureuse & Ambassadeurs,
lesquels se retirerent à l'Archeuef-
ché iusqu'à ce que le seruice fut
acheué, puis y retournerent trou-
uer le Roy & les Roynes apres la

fin de l'office.


Leurs oraisons finies, ils se'n retournerent au mesme ordre dedans l'Archeuesché, où toute la Cour soupa.

Et puis en mesme temps l'on ouyt vn tel bruit des coups de canons qui se tirerent, que l'on eust dit que la terre & le Ciel se vouloyent ioindre ensemble.

Les feux de ioye & d'artifices se firent par toutes les ruës; & l'on peut dire avec verité, que iamais la Frâce n'eut plus de resioüissances.


Dieu qui luy a esté tousiours fauorable, la maintienne en sa grandeur, & face que son grand Roy triomphe glorieux de tous ses ennemis, & borne ses terres de l'enclos de tout le monde.













- less -

